



KOMUNIKADU DE-IMPRESA

Diseminasaun Informasaun kona-ba Sistema Pagamentu Dijital iha Timor-Leste

Dili, 20 Novembru 2023, Banco Central de Timor-Leste (BCTL), realiza Diseminasaun Informasaun kona-ba Pagamentu Dijital iha Ótel Novo Turismo Dili, Timór-Leste. Objetivu husi programa ida ne'e, atu disemina informasaun kona-ba pagamentu dijital. Ho nune'e, fasilita comunidade sira bele halo tranzasaun liu husi kanal dijital ne'ebé disponivel ona iha Timór-Leste.

Programa ida ne'e, arbertura husi S. Excelensia Governador Banku Sentral, Sr. Helder Lopes ho Prezidente CCI-TL Sr. Jorge Manuel de Araujo Serano.

Prezidente CCI-TL iha nia diskursu hatoo katak tranzasaun dijital importante tebes ba Timór-Leste ne'ebé mak hola parte iha mundu dijitalizasaun. Hakarak ka lakohi, Timór-Leste tenke tama iha prosesu ida ne'e duni. Vantajem ne'ebé mak diak iha pagamentu dijital maka: lalais, seguru, la presija halo kontaktu fiziku. CCI-TL prontu koopera ho Banku Sentral hodi promove sistema pagamentu dijital iha Timor-Leste. CCI-TL husu Banku Sentral atu estabelese regras ba kustu sira sistema pagamentu dijital hodi bele insentiva publiku utiliza pagamentu dijital iha sira ninia atividade lora-lora nomos hatoo ba Governo hodi tau-matan ba infraestutura rede internet iha rai laran.

Sr. Helder Lopes iha nia diskursu katak eventu ida hanesan pre-atividade hodi celebra Lora Poupanca Nasionál ne'ebé mak sei realiza iha lora 29 fulan Novembru 2023. Banku Sentral nia mehi atu introdus sistema pagamentu ida ho naran *e-pocket*. Banku Sentral komprimisiu servisu hamutuk ho banku komersial sira hodi realiza *e-pocket*. Atu atinji objetivu ne'e, Banku Sentral sei hatoo ba parte Governo atu bele aselera lalais rede fiber optic ba rede-internet no implementasaun programa *unique ID* inklui promosaun pagamentu dijital.

Atividade diseminasaun partisipa husi CEO instituisaun finanseira, Diretores Gerais e Nacionais husi ministériu relevante, diretores empresarius husi setor privadu no membru koperativa sira.

[Ramata]